



**Pur, econom ed um da cultura**

Martin Cantieni, il pur da Donat, è stà durant blers onns activ en diversas uniuns ed instituziuns.

10



**Tener la distanza da dus meters**

En temps da corona èsi impurtant da sa tegnair vi da las mesiras. Il mintgadi da la firma Hassler.

11

südostschweiz

# LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

■ SURSELVA

## Cavegn: «Tschercar communabel soluziuns»

(fmr/hh) Questa jamna presenta la FMR ils dus candidats pil presidi communal da Tujetsch. L'entschatta vegn fatga cun Martin Cavegn (50). Il fiduziari e guardiaselvaschina che habitescha a Camischolas ei perschudius ch'ei drova in nievent ella val: «Jeu less puspei procurar per trasparenza ella politica communal.» Quella trasparenza seigi vegnida neg-

ligida ils davos onns. Contonscher quei vul Cavegn el dialog cun vischinas e vischins: «Mia finamira ei da procurar che la glieud tschontschis puspei in cun l'auter ed emprovi d'anflar comunablamein soluziuns.» Accents less el era dar all'economia enten gidar a scaffir novas plazzas da lavur.

> PAGINA 3

■ ENGIADINA



Pro Büvetta Tarasp tschercha nouv manader da proget. FOTO A. LEHMANN

## Proget sün buna via

(fmr/fa) La Pro Büvetta Tarasp ha il böt da mantgnair la Büvetta a Nairs. Siond cha'ls pass importants sun fats, ha l'organisaziun scrit'oura üna piazza parziala per ün nouv manader da proget. L'intent da la societä Pro Büvetta Tarasp es da mantgnair, renovar e render accessibla la Büvetta a Nairs al public. Il manader da proget es stat fin uossa l'architect Men

Duri Arquint dad Ardez. La societä vain presidiada da Werner Reichle dad Uster e Sent, eir el da manster architect. D'incuort ha inseri la societä chi tscherchan per ün pensum parzial üna o ün nouv manader dal proget Büvetta Tarasp. Fin in lündeschdi d'eira entrada üna dunzaina d'annunzchas.

> PAGINA 9

■ GRISCHUN CENTRAL

## Dad Arosa a Lai

(fmr/gns) Siva da 30 onns magnan Andreas e Claudia Züllig-Landolt cun success igl hotel Schweizerhof a Lai. Planget sa fö igl pèr pansiert d'eir an pensiu. A parteir digl proxim aton dattigl aint igl hotel adegna puspe occurrenzas da giubileum, tranter oter er cuagl chor Incantanti. Per tgi igls hospitants actuals digl hotel possan sa dedigtier pi fitg allas occurrenzas da

giubileum, vign la direczion rinforzada. A parteir digl 1. da matg 2020 davainta Christian Zinn nov directour digl hotel da quatter steilas. Igl om da 38 onns meida uscheia dad Arosa a Lai. Igl hotelier ò mano ad Arosa igl Waldhotel. Uriund è Zinn dalla Germania, detg pi exact da Garmisch Partenkirchen.

> PAGINA 6

DA DAVID TRUTTMANN/FMR

■ L'entir Grischun è pertugà da cas d'infeziun cun il coronavirus – da la Val Müstair en fin en Surselva. Entant ch'en Svizra va la cifra d'infeziuns (verifitgadas) vers 10000, dumbra il Grischun anc 266 persunas infectadas e sis mortoris (stand glindesdi saira). La confruntaziun cun il coronavirus è però ferma surtut en las valladas cunfinantas cun il Tessin e l'Italia. Ier vers saira ha perquai la regenza grischuna – ils cussegliers guvernativs Peter Peyer e Marcus Caduff – orientà a San Bernardino davart lur inscuters cun represchentants da las vals dal sid.

**Serrar plazzals u betg?**

Era il Chantun ha rendì attent – sco la Confederaziun ier envers il Tessin – ch'ils plazzals da construcziun hajan da restar averts. Deputads da la regiun Moesa avevan pretendì quests dis ina serrada dals plazzals – analog al Tessin. Che talas decisiuns solitarias sco il chantun Tessin haja tratg cun serrar ils «cantieri», na sajan però

## Co vid pervi da Covid

Infeziuns en l'entir chantun – consequenzas economicas per tuts



La Poststrasse a Cuira la sonda enturn mezdi: Normalmain gronda truscha, ussa ina via vida. FOTO RTR/F. CLALUNA

betg inditgadas e betg lubidas da vart da la Confederaziun. I dettia al mument mo intginas paucas excepziuns per serradas.

La derasaziun dal virus ha però consequenzas betg previsiblas per l'entir Grischun. Uschia rapporta la FMR tranter auter da las

consequenzas ch'il virus ha per dus interpresas en la Val Schons.

> PAGINA 11

## Per la quarta giada



Ulteriur titel d'onur per Fallet, il tiradur da pistola da Müstair. MAD

(fmr/gns) Dapi il 1990 surdat la Federaziun grischuna dal sport da tir il titel tiradur grischun da l'on. Previ era da surdar quel premi tar la radunanza da delegads da l'uniun a la fin da favrer a Tavau. Quella ha dentant betg gi lieu pervia dal coronavirus. Ussa ha la federaziun communitgà il num dal victur tar l'elita e tar ils giuivens U21. Tar l'elita daventa Elmar Fallet, il tiradur da pistola da Müstair per la quarta giada tiradur grischun. Quel titel aveva il Jauer gia retschet il 2014, 2015 e 2016. Tar ils giuivens sa numna il tiradur grischun resp. la tiradura grischuna da l'on Valentina Caluori da Razén, la dubla campionesa europeana cun l'arma da caliber pitschen.

> PAGINA 2

## Sinergia(s) pir l'avust

La bardigliada dals uffizis chantunals è stuschada

DAD AUGUSTIN BEELI/FMR

■ L'avrigl avessen blers uffizis chantunals a Cuira gi da bardigliar en il nov center administrativ a la Ringstrasse. Quest project è spustà. Igl è in exercizi extraordinari. Bardigliar 400 plazzas da lavur è cumbinà cun in grond exercizi dal stab general.

Da principi era tut preparà e la bardigliada gronda avess pudì cumenzar ils 6 d'avrigl. Il nov chasament da l'administraziun chantunala a la Ringstrasse 10 è pront. Pervi da la crisa da corona ha l'Uffizi da construcziun auta stuì stuschar «l'exercizi sinergia» sin in nov termin suenter las vacanzas da stad. Sco quai ch'il manader

Markus Dünner ha confermà a la FMR, duajan ils emprims uffizis bardigliar davent dals 17 d'avust. En tut midan 13 uffizis ed in departament da divers lieus en il center da la citad da Cuira a la Ringstrasse. Il project «bardigliada» è vast e cumplex.

> PAGINA 2



La Sinergia fiss pronta per il grond «exercizi dal stab general» da midar chasa. FOTO L.RASP



20013

Servetsch d'abunents e da distribuziun: tel. 0844 226 226 mail: abo@somedia.ch